

Inatsisartunut aalajangigassanngorlugu siunnersuutigineqarpoq Naalackersuisut pisussaaffilerneqassasut meeqqat atuarfianni ilinniartitsisut ilinniaqqinnissaminnut pitsaanerusementik neqeroorfigineqarnissaannut periarfissanik nalunaarusiamik saqqummiussissasut, taamaalillutik ilinniartitsisut siunissami pisinnaasaqarneruleqqullugit periarfissaqarneruleqqullugillu atuartitsissutini pingaartumik matematikkimi, tuluttoornermi, fysik/kemimi pinngortitalerinermilu qaffasissumik ilinniartitsisinnaanissaminnut. Nalunaarusiaq Inatsisartut 2013-imi upernaakkut ataatsimiinneranni saqqummiunneqassaaq. (Inatsisartunut ilaasortaq, Andreas Uldum)

Akissuteqaat

(Ilinniartitaanermut, Iisimatusarnermu Nunanullu Avannarlernut suleqateqarnermut Naalackersuisoq)

Siullermeerinnineq

Inatsisartunut ilaasortaq Andreas Uldum naleqqulluinnartumik siunnersuuteqarpoq meeqqat atuarfianni ilinniartitsisut ilinniaqqinnissaminnut neqeroorfigineqarnissaannut periarfissanik nalunaarusioqqusinermigut, taamaalillutik ilinniartitsisut siunissami pisinnaasaqarneruleqqullugit periarfissaqarneruleqqullugillu atuartitsissutini pingaartumik matematikkimi, tuluttoornermi, fysik/kemimi pinngortitalerinermilu qaffasissumik ilinniartitsisinnaanissaminnut.

Siunnersuutip tunngavigaa ilinniartitsisut ilinniarteqqitaasarnerat pillugu IMAK-ip naatsorsueqqissaarneri inassutaalu. Naalackersuisut isumaqatigaat meeqqat atuarfianni atuartitsinerup pitsaassusia ilinniartitsisullu ilinniarsimanerat ilinniaqqissimanerallu imminnut ataqatigiinnerat. Ilinniaatsinut Institutti, kommunit atuarfiillu ataasiakkaat suleqatigalugit, pikkorissaaqqinnernik ullumikkut neqerooruteqareerpoq, tuluttoornerlu qaffasissumik ilinniaganngorlugu ukiunik marlunnik sivilisussilerlugu neqeroorutigalugu.

Naalackersuisut isumaqatigaat meeqqat atuarfianni ilinniartitsissutit qaffasissusiata annertuumik sakkortusartariaqarnera. Tamanna takuneqarsinnaavoq ilinniartitsinermi periusissiami aammalu ilinniartitaanikkut politikkip anguniagaani ”Siunissarput – illit uangalu akisussaaffipput – 2025-ip tungaanut”, tassanilu erseqqissumik anguniarneqarpoq atuartut meeqqat atuarfiat qimakkaangamikku oqaatsinik pingasunik atuisinnaanissaat: kalaallisut, qallunaatut tuluttullu.

Erseqqissumittaaq anguniagaavoq meeqqat atuarfiat tamarmi misissoqqissaarneqassasoq meeqqat atuarfiannut tunngatillugu piomasaaqatit aammalu Namminersorlutik Oqartussaniit, kommuniniit, Inerisaavimmiit Ilinniarfissuarmiillu iliuutsit imminnut ataqatigiinnerunissaat qulakkeerniarlugu.

Ilinniartitaanermut Iisimatusarnermullu Naalackersuisoqarfiup ilinniartitaanermi pilersaarut II aallartereerpaa. Suliame tassani ilinniartitsisut ilinniartitaanerat ilaatigut qitiutitaavoq, Naalackersuisullu piareersimapput ilinniartitsisut ilinniaqqittarnissaata ilinniartitaanermi pilersaarummut II-mut aamma ilanngunnissaanut.

Naalackersuisut naatsorsuutigaat ilinniartitaanermi pilersaarut II 2013-imi upernaakkut ataatsimiinnissamat naammassereersimassasoq.

Taama oqaaseqaateqarlunga inassutigaara siunnersuutip taama isikkoqarluni akuerineqannginnissaa, tassami nalunaarusiap imarisassaatur siunnersuutigineqartoq ilinniartitaanermi pilersaarutip II-p suliareqqinnerani ilanngunneqartussaammat.